

先陳  
維英  
太古  
巢聯  
集



856.6

7768

舊籍



由國家圖書館數位化、典藏

陳田

大 鐵

熊 厚

編

陳 先

維


英 生

太古巢聯集

無聊齋發行











## 序

自予承乏臺北帝國大學。主東洋文學講席。本島子弟從予而游者數人。其稱首爲田君大熊。深思好學。尤留意本島文獻。畢業後奉職臺灣總督府圖書館。其僚友有陳君鐵厚。亦以風雅相尙。竝爲俊逸之才矣。頃者二君蒐輯陳迂谷所撰楹聯。得數百對。乃編爲一卷。名曰太古巢聯集。太古巢者。蓋迂谷晚年讀書之處也。予嘗讀迂谷詩。託興遙深。庀材宏富。而宮商繁會。尤有琴笙逸響。非浸淫於三

李二杜者不能。意在東寧詩人中。當首屈一指矣。今獲其聯集而讀之。名言雋語。

絡繹不盡。至其對仗之工。愈出愈奇。猶遊銀臺金闕。珠玉雜陳。使人目眩。

不能正視。益歎迂谷天才亮特。超然有出塵之概。宜乎田陳二君謀其流傳也。

顧迂谷詩未見刊本。若與楹聯併而刻之。嘉惠藝林。其功更鉅。不知田陳二君倘

有意乎。實予跋而望之。昭和丁丑年十月。神田喜一郎。



## 序

自予承乏臺北帝國大學。主東洋文學講席。本島子弟從予而游者數人。其稱首爲田君大熊。深思好學。尤留意本島文獻。畢業後奉職臺灣總督府圖書館。其僚友有陳君鐵厚。亦以風雅相尙。竝爲俊逸之才矣。頃者二君蒐輯陳迂谷所撰楹聯。得數百對。乃編爲一卷。名曰太古巢聯集。太古巢者。蓋迂谷晚年讀書之處也。予嘗讀迂谷詩。託興遙深。庀材宏富。而宮商繁會。尤有琴笙逸響。非浸淫於三李二杜者不

能。意在東寧詩人中。當首屈一指矣。今獲其聯集而讀之。名言雋語。絡繹不盡。

至其對仗之工。愈出愈奇。猶遊銀臺金闕。珠玉雜陳。使人目眩。不能正視。益歎迂谷天才亮特。超然有出塵之概。信乎田陳二君謀其流傳也。顧迂谷詩未見刊本。

若與楹聯併而刻之。嘉惠藝林。其功更鉅。不知田陳二君倘有意乎。予實跂而望之。

昭和丁丑十月。神田喜一郎。



## 序

陳維英先生。字碩芝。號迂谷。前清時爲臺灣大龍峒老名宿。其聯文已膾炙人口。

予七歲時。常敬聞于先君修公。在鷺江又聞于猶叔林以佃。以時十三歲渡臺。遊慈

聖宮保安宮。見題柱石。已悟先人之歎美。商號益順關夫子聯亦其佳構。然珠光如

月朗耀中天。惟觀一二。未收全貫。本年乃有田大熊陳鐵厚何茂松三君。苦心三四  
年。集有三百八十餘聯。蔚如也。披卷之餘深爲驚喜。因欲付梓公諸同好。以要贅



言。伏念卞和獻璞。定知價重連城。而魯鼎無贗。能不心從樂正也。乎哉。

丁丑荔月荷花生日天籟吟社長怪星林述三謹序于礪心齋




## 序

才疏學淺。心願學先人步趨。凡獲有名章佳句。什襲藏之。永存軌範。仄聞家先生維英。字碩芝。號迂谷。前清時。爲臺灣師長。名動朝野。讀書于太古巢。其文其詩。則已久傳當世。而聯文則散布四處。讚美稱誦。有其人未見全集。晚因近欲學。頗欠指南。乃因久知先哲碑口。遂歷諸艱辛。遠求其珍搆。閱五星霜。得三百八十餘聯。凡山間水涯。人家廟宇。靡不神馳。履跡逐尋焉。故能如願。潛爲秘寶。後

又大得宗親曉綠李金生吳朝綸三先生藏稿。遂因之喜而不寐。更受諸長者慫恿付刊。集腋成裘。方得隨意。吁。作事之不易也。如是夫。今因告竣。謹誌寸誠。用自慰兼告慰云爾。

昭和十二年八月

編者識





目次

一、題

太古巢

二、寺廟

寺

廟

宮

祠

一  
二  
四  
五  
六

三、慶賀

生



一一

冠



一一

泮



一一

婚



一一

學



一一五

居




一一七

壽



一一七

四、哀輓



輓 ..... 四〇

靈幃 ..... 五一

靈座 ..... 五二

香亭 ..... 五三

入塋 ..... 五四

墓柱 ..... 五五

追薦 ..... 五六

五、雜

神明 ..... 五六

居家 ..... 六七



學堂 ..... 七四

字亭 ..... 七八

山房 ..... 七八

別墅 ..... 八三


花園 ..... 八四

店舖 ..... 八五

雜 ..... 九一

補遺

附錄



## 陳維英先生略傳

維英陳先生。字碩芝。號迂谷。生長豪富之家。

嘉慶十六年生  
同治八年歿

童年入泮。乃能苦心力

學。博覽群書。恭默思道。持身儉樸。歲考而取拔一等。食餼天家。輪缺歲貢。遂成博學鴻儒。秉性忠誠。持躬端正。爲臺疆冠。其栽培後進。桃李盡萃公門。一時生徒採芹攀桂者。指難勝屈。及爲福州閩縣教官。遠近尊師。聲名洋溢。任滿歸臺。復應聘爲宜蘭仰山書院山長。造就人材。殷々不倦。採風者於補廩後。卽舉優行。旋以孝廉方正四字。奏詣朝廷。咸豐年間。榮膺鶚薦。北上春闈。入直紫薇省。退隱後。掌教學海書院。數年。凡諸義舉。無不踴躍輸將。邑人咸喜而進主師祠。淡水之文風。蒸蒸日上。皆由先生致也。平生著有鄉黨質疑一部。儉閑錄一部。惜未經付梓。遽爾應召修文。雖篋底有殘簡斷篇。碍代遠年湮。書香莫繼。況復屢遭



兵燹。以致散帙無存。所謂聖人之後。不常爲聖人也。嗚呼。膏梁文繡之子弟。能如先生者。有幾人哉。先生庶乎其不朽矣。





先陳維英  
生

# 太古巢聯集

陳田

大鑛

熊厚編

## 一、題

### 太古巢

嘗觀城市富豪家  
簣山沼水籠鳥盆  
魚縱繁華整飭究  
無活潑々機似雅而俗縱一作雖 飭一作飾

因思林泉幽僻地  
屏幃襟江茵花幄樹  
祇潦草安排便成坦蕩々境宜酒與詩因思一作幸得祇 一作只成一作爲

○

三頓飯數杯茗一爐香萬卷書何必向塵寰外求真仙佛一作三頓飯萬卷書數 杯茗一爐香寰一作凡

曉露花午風竹晚山霞  
夜江月都於無字句處寓大文章

○

將愚公山移屋背  
以智者水洗塵心

野

眺得此六  
十八字

山色水光雲陰樹影蟲鳥聲皆文章真趣非遇讀書人會心象外便件々寂寥味同嚼蠟  
農夫牧豎樵子漁翁僧道輩與翰墨何緣自得吟詩客把臂句中覺個々風雅情若投膠

一一寺

廟

寺

劍潭寺

存慈悲心便是佛

行僥倖事免求神僥倖一作邀險

○  
斷一切之情根花生慧劍  
悟三無之妙諦月印空潭

○  
破煩惱城仗智慧劍  
引功德水注無愁潭

○  
北淡無双勝  
西天不二門

西 雲 岩

觀音山觀音坑抱觀音寺頑石頭々盡向觀音點首  
和尚洲和尚港對和尚門淨波面々好爲和尚洗心  
同治乙丑  
端午節題



廟

三重埔炎帝廟

斲木揉木益矣功成於地  
鞭草嘗草神哉德大如天

○

生感於龍以火德王  
祭推及虎無水旱災

○

帝代伏羲百四十年長亨位  
臣生后稷數千萬世盡知農

長福岩祖師

長空花雨不測禪機化身終歸天竺

福地鄉儂漫誇仙境廻首卽是蓬萊  
俗稱蓬萊祖師



○  
長江湧萬頃波濤杯渡不驚水鳥  
福星照十方世界燈傳想自天龍

清 水 祖 師

清風明月好參禪心真似水  
祖仁本義堪濟世德可爲師

中 壇 太 子 爺

輪騰風火衛中壇青宮龍嗣  
圈打乾坤歸上界紫極鷄班

宮

保 安 宮

保民如保赤虎災咒水死者復生

大行受大名龍袞繪山人也而帝

同治七年歲次  
戊辰冬百福日

○

紫氣互紫龍紫薇降世

白礁乘白鶴白日昇天

慈聖宮

慈者所以使衆々稱慈母

聖不可知謂神々助聖朝

同治五年

祠

學海書院

學知不足教知勤自反自強古人云功可相長也

勤一作困


海濟於後河濟先或原或委君子曰本其當務之

均一作祭

○

敦孝弟而說詩書道宗孔孟

盡性命以參化育學究天人





仰山書院

乙酉年作

仰不愧俯不忤道中人存心當求如是

道中人一作士君子

山可移海可填天下事有志何患難成

天下事一作大丈夫

○

分敢曰師望諸君攻瑕以石

名既為士願我輩鍊行如銅

○

入芝蘭之室

開桃李之門

○

做不得人情論文衡品

養無窮士氣入孝出忠

地接文昌府

與文昌宮毗連故云

門多武庫才

○  
誓心白水  
接踵青雲

關渡文昌祠

關頭在善惡之分籍詳丹桂

渡口作汪洋之勢浪透桃花

奪標社文昌

奪幟文壇手分碧漢

標名榜帖頭點朱衣



武臘灣先齋宮附祀文昌帝君

爲八蜡仍自主八神武臘灣當蘋蘩之日兼披黃草服

育五穀不可無五教文昌府與黍稌之星並列紫薇垣

附祀文昌帝君咸豐六年丙辰內外納禾稼月題

大龍峒福德祠

主斯壇乃屬鈎龍氏

鈎一作勾

祝此地多生附鳳才

○

古者風遺松栢栗

社公雨潤麥苗桑

○

社母社公鴛鴦福祿

村夫村婦鷄豕馨香



雙溪三忠祠 此祠蓋祀宋文信國公天祥陸丞相秀夫張將軍世傑三公也

日暮一龍歸碧海

風高三鳳上青天

侯亭陳氏亭祠 代作

侯亞侯旅薦馨香溯源潁水

亭短亭長勞跋涉遷族橫溪

○

居比湖山能安農業

自有黍稷可薦馨香 內湖山麓農家祖祠

曹氏祖祠

文烈孝孫敬祖先之畫像 曹休字文烈

濟陰名士詒來裔以書倉 曹曾濟陰人



三、慶賀

生

賀蘇簡齋參戎生孫

大參戎簡齋先生士人家督能文于霄將上  
令孫繩祖武誕月甫彌用綬兩行以伸双賀

通儒出名將之門子原是驥

上帝報清官以福孫又生龍

冠

戒詩寶樂冠

從茲行冠禮

願勿設童心

泮

黃必先捷泮

文字曲江場中稱帥  
家聲冕仲殿上掄元

○

名冠郡中風霜文字  
人求巖下霖雨襟期

黃必先由廳案前捷泮

黃別構於關渡山以濱水曰觀潮齋而齋適對全嶺而全嶺吐霧乃淡北八景之一也

發關渡山之秀氣吐霧峯前早知隱豹  
冠淡水廳之人文觀潮齋上初起潛龍

鄭社亭春部大少君秋捷

秋榜科名蟾窟桂花傳舊種

春官門弟鯉庭桃李長新陰



鄭社亭禮部姪鵬秋入泮

東序又升多佳子弟

南官先導樂賢父兄

李起鳳龍世講入泮並跋於旁

燦珂太封大兄龍器起龍次公起鳳俱以總角知名時有龍  
起龍之冠郡軍遊廳泮龍鳳果齊起集矣龍蟠鳳逸之士登  
龍樓鳳閣之中可立待也撰楹帖為今日賀並為將來慶

讀鄴侯書論秀偏先小宋

懷供奉筆興賢應合大蘇

李起鳳登

泮十三齡適  
值大比年

尙是蝸髻瓊花太重

最宜駒齒萃草初肥

王禮中歲薦

因種德以啓槐堂祖原王祐

由明經而調梅鼎人是韋賢

王禮中歲薦令弟禮法舉秀才太母年已逾八十矣

諸侯貢士獨選明經芹香濟美兼難弟

天子臨軒待升對策萊綵承歡有太君

王嘯濤同硯入泮

芸窓細論驚便腹首選前茅今果及鋒而試  
棘院宏開望出頭讀書養氣願皆磨厲以須

吳景星入泮

且為鴉泮采芹客

本是蟾宮斫桂仙

吳光煥名貽蘭入泮

吳出潘先少江之門

尹公取友必端投蘭有臭

吳子學仙將就斫桂先聲



林生步瀛字洲士淨捷之喜

蘭院育才慙化雨

芹官選秀喜凌雲

林生長春字錫慶新舉茂才

月課允推高弟

雲程不讓難兄

蘇子褻十五齡游泮

以古學受知於劉次  
日觀察時值大比年

賦品東京文章西漢笑任昉舉秀才尙多一算

鹿萃今歲燕杏來春較子瞻登進士猶少五齡

何希周榮泮

東海三人堪追故步

南溟萬里更奮前程



金聲謝文子錫五入泮

樂賢父兄燕翼共推風矩

得佳子弟鳳毛初起雲程

郭治醇秀才子入泮

治醇世兄我師貢南先生次子  
一門入泮食餼登科計六人

羨郎君才氣無前一室菁莪多萃人文科目選

喜夫子書香有後三秋桂樹卜繩祖武榜頭題

張儀庭令郎中副貢


中車也許投椎銳

調鼎終需借箸籌

賀泰卿姪次郎雪六入泮

屬在同本同源早為留心後進

尤望教詩教禮使之努力前程



傅煨伯由郡案首入泮

總角時卜魏舒宅相

出頭日振杜預家風

外從孫杜若  
虛遊武泮

噶瑪蘭胡生玉峯字崑璞入泮

課業憐才士龍入座

讀書立志司馬題橋

蔡則仁入泮適值斷絃

芹映鸞旂士子初登雲外去

桂香蟾窟嫦娥先向月中來

姊丈林子穎入貢成均

父芹子藻君菁茅一根並秀

春誦夏絃秋笙瑟雙調先聲

詩寶錫冠軍入泮 乃祖乃父均冠軍入泮姊逝已久

又壓元白以紹家聲言采藻芹業傳三世

為生甫申而儲國器追思萱草功在百年

家愧居入泮

果然不愧駒千里

肯許同聞鹿一聲

代師賀弟

前程朱紫深期汝

後日青藍願勝予

○

生自我家曰玉樹

猷之王國為珊枝





代敬甫賀陳洞漁入泮

位置樓中須峻元龍之品

掃除天下願充仲舉之才

代敬甫賀李孝杏入泮

後進愜心筆傳李白

前程拭目衣染柳青

代家嚴賀林恒恬姻世講入泮

在素封之家尤以書香爲貴

喜故人有子尙期雲路旋登

代家嚴賀雪六姪鄉捷泰卿大姪仲嗣雪六卽鄉捷志喜

叔固甚痴偏識駒能生驥

兒何妨譽行看鯤又化鵬

家化鯤生芹榮

我慚大阮君小阮

先發北溟後南溟

賀斌臣鷹揚入泮並跋

我愧書痴竇氏長兄偏喜武

人饒在癖炒侯良將本能文

○

以文儒而輟榮學兵馬燧當年志大

由武舉而登壇拜將汾陽來日功高

賀何其旋明經子姪竝以冠軍入武庠

技超射圃弟和兄雙鵬一箭

才試科場文及武三鳳九霄

斌臣甫余族兄也功舉子業卅餘載屈童子試十餘場遂棄四子五經之策而讀六韜三略之書班定遠慨然投筆有志封侯郭汾陽初習持弓便成武舉矣丙申秋渡淡寓第談暇問別字於余余號曰斌臣取兼乘文武之義且表有王全斌為名將帥之志也兄曰諾因跋數語於楹帖後為今日賀並為將來兆



賀鄭希彥中武舉

虞生環  
次子

斑定遠本文儒所出

郭汾陽由武舉而升

入泮宴賓戲臺聯

禮樂衣冠於斯爲盛

功名富貴作如是觀

○

萃野笙簧先接譜

杏園筵宴試銜杯

長子入泮宴賓堂聯

泮水風清濫等小子

潁川星聚下榻高賢



○

博帶峩冠三揖三讓  
崇山曲水一詠一觴

婚

鄭社亭孫少波完婚

人人嘖嘖肅肅雍雍彬彬濟濟  
子子生生關關灼灼蟄蟄振振

鄭社亭春部令姪壽田完婚

二月初三日

駒齒新更竹林春燕

鶯聲細警花枕曉鷄

鄭社亭姻翁姪孫完婚

雲仍數世又加冠羨却烏衣子弟  
月滿九分欣奏曲現來皓袖嫦娥



張秋潭長郎君完婚十月小春

快阿翁心蘭階拜鴈春猶小

警乃郎耳花枕聞鷄夜未央

賀李起籌新婚

柳畫纖眉名士筆

桂板高手素娥宮

王少年新婚

新郎有擲果之姿吳  
縫仙事新人吳姓

鶴警輕披神仙乎王子

蛾眉長畫美女也吳姬

張煥堂廳尊少君娶姑女金氏

金張高弟並筆畫細君助得新妝京兆尹

秦晉世姻聯扇披姑女認來舊識散騎郎



妻弟周荷塏新婚

曾及吾門

禮重成婚恨爹娘不及見

詩賢戒旦補師友所未周

賀某儒者合代香

作

描柳眉尖恰饒京兆筆

采芹手段先探洞房花

代康希萱茂才賀其徒完婚

始為拜鴈加冠士

添個鳴鷄警枕人

代蔡則仁秀才賀宗姪完婚

駒本不凡初更穉齒

鷄猶有警勿設童心





代積中賀紹元入贅杜家

欲就姪娥來桂窟

好添女友伴芸窓

賀盧紹元入贅杜家

作客玉京粧催盧快婿

憐君金縷歌唱杜秋娘

王猷琛茂才小阮濟卿續絃

小阮風流諸阮遜

前宵月缺昨宵圓

代族子汝通賀王濟卿續絃

濟卿之嫂即汝通之女也

天補皇媧重煥嫦娥之彩

女慙鍾媿全憑郝娣之賢

學

鄭祉亭進士令咸瞻淇由廳案首入學

芝蘭子弟謝東山名誇文帥

書草家風鄭北海學紹經神

李生春波領袖遊庠

字澄源余掌教仰山月課曾拔首卷廳考取置第一

仰山會歷青蓮卷

泮水先聞碧藻香

楊生士芳籍學之榮

白雪門中鵲立

青雲梯上蟬聯

賀張少蒼廣文接惠安學篆

途中不種荆榛笑我青氈甘耐冷

門下多栽桃李讓君絳帳獨生春

家濟江生秀並作舟前仰山月課屢取上卷

鉛黃屢許駒千里

金紫還期鶴九霄

居

鄭社亭新居

堂啓尙書門前如市  
第稱進士柱上生槐

○ 自謂義皇以上  
所居廉讓之間

○ 所謂伊人義皇以上  
何取於水廉讓之間  
亭水

壽

壽楊姻母陳太宜人九十三  
九月初三日

十齡百齡三日九日  
六品五品一封再封





一樽忝東坦之儀呼郎爲嶽  
六豆馨南陔之膳祝母如岡

又 代 作

人宜家家奉宜人九秋菊酒介壽燕開六豆  
子生孫孫誇生子五代蘭香繞膝雀獻四環

壽楊仰峯八十一

五月初三日  
代家嚴作

蘭友最高年八旬晉一

蒲尊先介壽五月初三

壽家君法茂才及克寬守我母太宜人八十一

五月二十日

萱閣駐春秋半月前絲留長命

萊衣披黼黻廿歲後曲續延年

壽張子訓祖母王孺人八十

代少江彥卿敬甫煥東春綠諸人作時子訓補廩又逢大比年

晝課耕宵又課織在室儼嚴君八十年節堅母竹

夏食餼秋欲食萃同堂稱畏友一千尺秀挺孫桐

壽三品頂戴石潭林太守妻王淑人八十

代作

封淑女爲淑人身仍荆布

慶八旬於八月膝繞簪纓

壽鄭太宜人八十

聖天子三加恩寵夫卿賢兒簪纓而孫枝早充貢舉

年太君八座起居德溫恭年耄瑩且母竹時報平安

代陳遜吉賀双壽

五月初三日恭壽仰峯姻老先生八十越七日爲如夫人林太君五一悅辰並預賀之

我少公公偏健我心交剩有後彫材惟松與栢

兒生孫孫又誕兒頂祝續來長命縷由椿及萱



代獻琛姻丈壽其岳母陳太安人

膺紫誥而素封八秩現南輝之宿

祝臺山於泰水一尊忝東坦之儀

又代壽陳太安人

地道一貞備四德而開四葉

天恩三錫榮八座以慶八旬

祝孀瑪蘭別駕卓學亭父母雙壽

乃父先為四川總督後改吉林將軍現告老回籍年七十五乃母年六十大總制秋山老伯大人暨淑配老伯母奇岳特夫人  
雙壽前閩縣教諭掌教仰山書院愚姪陳維英頓首拜祝

辭高官而怡榆景梁敬婦孟敬夫溯當時佐治戒鳴鷄功銘北鎮像鑄西川問壽在千秋之史

生循吏以撫蘭廳召有父杜有母看此際祝年爭獻兕日愛東隅星瞻南極承歡即百姓之群

壽馬敦園二尹太翁母七四雙壽

上元日

錫玉鳩杖者四年壽星輝映

然銀燕燈於五夜卿月團圓



壽謝金聲丈七十一

九月十七日生適由六品加五品銜

九日越八天釀蘭香延高士壽

七旬有一歲蟠松老受大夫封

壽李孫茂大姻翁夫婦七旬双壽並賀乃孫入泮

鳩杖齊眉人中松柏

蟾宮拭目門內菁莪

又代下陂頭

白首同心七旬双壽

青衿繞膝一室三君

值大比年父子兄弟三茂才

壽前知柳州府林太守七十

銅虎分符柳刺史惠民之郡

玉鳩錫杖白尚書致仕之年

壽鄭石亭太翁七十三月初十日

七日以前蘭亭先獻酒

卅年之後芝嶺又逢春

○

杖國人披長史服

起家子列廣文曹

○

德今稀壽古稀金尊玉杖

兒前祝孫後祝朱黻青衿

曾杏南廣文令尊堂七秩双壽

鳩杖賜王朝眉齊七秩

鱣堂開子舍額祝三公



壽王姻母七十九月十九日生辰

萱閣杖鳩共說觀音生日

菊樽泛蟻喜開王母壽筵

壽張節婦七十

德今稀壽古稀女中松柏

兒前祝孫後祝門內笙簧

○

節以貧全蓮心太苦

天將壽報蔗境漸甘

○

七旬遵內則

三子讀南陔





代三兄祝鄭社亭親家壽五月初七日並賀其孫入泮

天麻錫林下神仙子擢科孫籍學蘭膳侍華簪群祝六六之壽

地臘校人間福祿老續命少奪標蒲樽充喜席欣連五五之辰

壽施綸若太封六十二時與令郎少愈俱以鄉試來省

兕觥介壽乎莊椿六旬晉二

蟾窟兆香於寶桂八月初三

壽林昭聲廩先生母六十一八月初九日生

婺星映壽星花甲從頭喜接日前生佛

廩膳供親膳林壬繞膝長為地上行仙

李姻親双壽大鸞卦李太姻母陳太君六秩悅辰越兩旬為太封翁孫茂李太姻翁大人杖鄉壽慶並預賀之

夫偕婦花甲並週兩旬双壽

子若孫菊杯爭獻四代一堂

壽何煥翁親家偕配六十双壽兩子魏丁儀丁儀並有文才時稱双丁

以孟配梁眉齊六甲

生儀與虞目為双丁

壽文學杜以庶丈六十杜丈乃家嚴聯財友也多內寵長公繩佐邑諸生稱觴屈十一月

業羨鳴夷金分鮑叔蘭譜訂丁年轉眼籌週花甲

兒稱武庫妓愛樊川桑弧逢子月歡心酒進栢辛

壽岳祖母周安人六十岳祖周和軒以武生加授千戶侯令子遊武庠者三人五子又以軍功加百宰銜

配大戶侯生武信尉詔下九重來曾封六品命婦

晋麻姑酒獻王母桃籌添四秩後應加百歲郡君

壽蘇梧岡廣文母黃太孺人六十

成六子而慮六旬母以子貴

備四德而開四葉福由德來



○

鸞詰頌綸天週花甲

鱣堂舞綵人慶林壬

代壽高氏婦六十

時值望日

降王母之仙車人週華甲

開嫦娥之壽鏡天錫良辰

壽丁述安大郡侯五十六

四月十三日生

進服官六年服官民服感不次恩萬戶萬聲額頌

遲生佛五日生佛身生祝無量壽一人一瓣心香

代洞漁壽丁述安廳尊五十六

四月十三日生洞漁係丁公試拔第一

披雲霧以治民凜冰霜以試士是父是師喜斯人為蒼生一出

震雷霆而平賊祈霖雨而感神立功立德問其壽則青史千秋



壽唐升菴應尊名均五十五九月廿九日生

九月念九日淡水群黎為陶令送黃花酒只能飲酒

五旬有五齡商山諸皓待唐翁咏紫芝歌好待休官漢唐秉號東園公四皓之一

壽安溪學司教劉笑山廣文五十二

逾艾歲而官服三鱣士中圭臬

侍萱幃而經傳二驥門內笙簧

壽林太君仰峯夫人代作

酒猷麻姑艾年晉一

夢徵燕姑蘭種培三

壽楊輔山司馬夫婦五旬双壽初由蘭所卸篆代蘇簡齊參戎

移春脚於萬家子民父母

合壽眉而百歲伉儷神仙

壽張鑑三幕寶五十

入蓮幕佐莎廳留侯借筋

逢花朝祝艾歲果老開樽

壽李溥泉茂才五十

李七月初誕生時父母俱存與郎君並應秋闈

艾年承蔭椿萱下

桂苑兆香橋梓中

壽宓明府母王太宜人

宓加知州衛

愛日晷於琴堂宓公善治

奏雲和之笙調王母長生

壽張煥堂廳尊母陳夫人

夫名琴嘗任臺灣總戎

配元老而鎮東瀛念當日佐夫君忠君事功紀警鷄問壽在千秋之史

生好官以治北淡看今朝為衆母祝母年情殷稱兕承歡即百姓之群



壽曹廳尊

不愛錢官萬家頂禮

無量壽佛一瓣心香

壽曹瑾號懷機廳尊

代作

養民曰父教士曰師斯人原爲黎庶生也

鑄像於金銘功於石其壽豈以春秋計哉

代囑瑪蘭郊戶壽卓學亭別駕尊甫秋山制軍節度西川

樹龍節之風聲西蜀按年仍頂禮

愛鯉庭之日咎東瀛祝壽藉心香

代少江壽張母夫人

不愛錢官訓導封鮓

無量壽佛養永哺烏



壽宮太保玉峯王爵憲夫人代作

聖天子賜爵恩深功銘鐘鼎  
大將軍據鞍神健壽祝岡陵

### 四、哀 輓

輓

輓 鄭 藻 師

於先生不能口贊一辭品也學也  
在弟子只有心喪三載哀哉痛哉

輓鄭循陔太夫子藻庭夫子尊人

公生哲嗣鄭廣文啓館多栽桃李

師器嚴親王孝子及門為廢蓼莪



輓鄭貢南老夫子孝廉

有道人師共望松霄千仞

漢郭有道與李膺同車人望之若松喬之在霄

田橫子弟忍歌薤露二章

漢魏照求人師之曰經師易得人師難求

輓林放亭孝廉

和靖空遺名士稿

張憑難覓孝廉船

輓李漱亭太封翁

乃子遊庠食餼者四人

淡北推翰墨家門羅棧樸

隴西失老成輩館入芙蓉

代家愧居茂才輓李漱亭

召記玉樓公繩其武

儲材金榜子萃斯文



輓曹覆堂廳尊

洒西立頌德碑淡北立墮淚碑自古來惟有道碑無愧色好官第一

國史入循良傳家乘入孝友傳從茲去何列仙傳遽題名好聯亦第一

輓密明府太封鮮遺型一作代作

恩戴藍翎少年司馬

怨埋白玉今歲在蛇

輓林寄軒姻翁公石壁人增廣生卜築蓮陂以二月間卒平生訓兒孫讀書不少寬假仲嗣子穎為名諸生余姉婿也

石壁星沉蓮陂雨暗到處萬紫千紅盡成淚血

一經教子片硯遺孫至今燈窓雪案猶見精神

輓楊述堂世伯

父報數人惟公最摯忽報老成又謝嗚呼哀哉能不傷心千古

君恩三錫因子而封非徒財壽並多猗歟盛也可以瞑目九泉

輓某氏兄弟姊妹同亡兄弟俱諸生

元方將弟季方隨兄泮水神傷落月

鍾氏殉夫郝氏爲姊空山鬼拜下風

輓岳丈周儀亭文學

論畢世命途杯土難埋不平氣

看當前景况仇人亦有可憐心

輓省城家需堂別駕

與伯兄結契多年轉眼並登蓉館

以旅客寄居有日傷心未識荊州

輓福州家昌勉文學

賓至如歸風高東道

人生若夢月落南臺



代家嚴輓劉佐平

年老情深最不忍聞知己歿

孫賢子貴差堪慰得故人愁

代家嚴輓家澤菴封君

令于君法以秀才叙功加八品銜騰飛任山東遊戎

張緒阿兄風流頓盡

謝安諸姬文武皆賢

代家嚴輓杜以庶

嗟我故交又亡其一

如公清福可謂無雙

代林靄亭輓杜以庶

與先人如水之交從此逝矣

使後輩無山可仰能不悲哉



代王健助輓其岳丈栢堂鄉賓

西序齒尊解揚黨正

東床腹痛峯隕丈人

外孫輓外祖代三團弟作

外孫不忍聞絲竹

阿母空思建石樓

輓龍廳尊嫡配游孺人大郡承德齋龍老公祖大人淑配勅封孺人晉封宜人游夫人素幃

陶夫人佐治殷勤白鶴倏騎淡北

潘大令悼亡凄切青鸞已返江西

輓黃必先祖母年八十五

近九旬而母幹後彫女中松栢

開四葉則孫枝爭秀門內菁莪



輓竹塹鄭太恭人

夫立德子立名五福外更增二福  
生無憂死無憾萬人中難得一人

輓

額

温々恭人

含笑九泉

牡丹花萎

代輓鄭太恭人

五代一堂福同地厚

八旬四德寵自天申

○

福由德來堂開四葉

母以子貴誥錫五花



輓鄭祉亭副郎室陳宜人

孝且仁姑號媵泣

貞則吉夫貴子榮

輓太守林石潭妻王淑人

相夫守郡教子登朝巾幗中是大有功者

財擁萬千壽踰八十泉臺下不亦無憾乎

輓丁獻琛姻叔令堂吳太孺人

乃子就  
職廣文

開五葉而萱凋姻門鶴弟

仰三槐之荻訓子舍鱣銜

輓林姻母羅太孺人

相夫致富教子成名巾幗中是大有功者

壽屆六旬誥膺五品泉臺下不亦無憾乎



○

夫富子榮久享生前之福  
妾啼婢泣難酬逮下之恩

輓 林 姻 母

半百年伉儷齊眉乃夫纔舉鄉賓竟摧鶴翼  
數十個兒孫繞膝有子已升國學佇待鸞封

輓 王 氏

年亦云高六旬五歲

福豈不厚四代一堂

輓 陳 李 氏

永矣松年八旬六歲

遐哉萱福五代一堂



輓岳母周節媛

奉一舅易得三庶姑難事一夫易撫兩側室難所以端莊靜壹旌乃德官且肅然敬焉誰不傾心歎羨

守孤幃多絕半點塵少慈孤子多課五更書少而竟憂愁抑鬱終其身天果如是報也能無搔首踟躕

輓周內叔母

其夫武庠早逝

夫列膠庠未薦鷹揚悲早殞  
母歸冥府來尋鴛匹喜相隨

輓家對延太學之母

克儉克勤有功巾幗

曰富曰壽含笑泉臺

輓題不明

內親叔母外戚妻姑卅載獨歌陶鶴  
上孝尊嫜下慈孫子九原不愧梁鴻



代輓林鶴山太守生母及其妻妾榮封恭人節慈林諸姻嫂楊太恭人慟令婦黃恭人而偕歿而黃恭人之歿實因傷箴室之亡可哀也

子之成成乎憚母母賢自見矧夫節抱貞松定得絲綸以獎

姑之殞殞於哭婦婦孝可知至其蔭垂樛木尤為巾幗所難姻待生陳維藝領姪鵬升鶴升鶴升鸞升全頓首拜

代輓溫夫人夫人滕姓溫梧軒都督之配也卒時姑太夫人尙健在

滕曾子盡孝老姑珮遺全燧

溫將軍鐘情阿婦鏡掩玉臺

代輓溫夫人夫人卒於厦寓厦島別名鷺江

錦繖女郎相夫麟閣

瑤池王母遣使鷺江

代鄭娛輓伊姑母

坤順得常可以內則

民堅多節不辱外家

輓 外

母 代敬甫煥東  
子訓諸及門

郡丞表厥門閭端莊靜一  
師母承其衿悅言德功容

代輓陳節婦

入地見夫無愧色  
待天旌母有幽光

輓

額

女貞花萎

巾幘完人

女中松栢

代鵬姪輓月英姪女

姪婿鄭如松申孝  
廉授內閣中書

入紫薇垣捷足爭推夫婿  
歸丹桂窟傷心不見女須

靈 幃

前居父喪靈幃

讀檀弓禮  
廢蓼莪詩



拊我畜我長我育我嗚呼長已矣念反哺烏昊天罔極  
悵焉愴焉惚焉慄焉匍匐而哭之若喪家狗搶地無容

題仲母大人尊飯亭並為從兄嫂輩勸

如此朝餐夕膳不盡馨香問子心勿虧子職  
倘能妯娌弟兄同歸和氣慰母魂即報母恩

靈座

伯咸從兄靈座

兄下尚有五弟因其  
父母過勤藉是勸之

椿萱且忍双行淚

棠棣猶留五顆花

題先伯兄靈座

兄舉孝廉工詩計偕  
北上至蘇州中祖

作廿五歲弟兄如斯而已

留二三個孤子將奈之何

○ 家中前輩詩中前輩  
天下文郎地下文郎

○ 不滿志於一科體羸心壯  
欲求名乎萬里人去魂歸

香亭

先慈迎葬香亭

石槨三千年馬蹄踏地  
金車一十里鷄舌漫天

○ 杯酒東芻盡是南州高士  
返生却死恨無西海名香





入 塋

入

允矣王章內佐

榮哉吳札外家

○

鄰觀音之佛冠

歸王母於仙家

○

發祥鶴浦

卜吉獅巖

○

神來山入畫

人拜石通靈

塋  
鶴浦以平陔廣文母葬獅頭岩觀音寺旁墳後多石



墓 柱

先 慈 墓

柱 尙虛其左以  
為家嚴壽藏

獅 毬 鎖 口

出口處有獅  
毬山鎮之

鳳 案 齊 眉

對面山形似鳳  
俗號飛鳳朝天

乾 尙 如 天 健

坤 先 得 地 安

負 亥 揖 己 兼 壬 丙

廻 峯 曲 水 此 湖 山

土名內  
湖山

題 岳 父 母 墓 柱

儀翁士而俠也一門五津遜膽識配鄭賢黃  
聽尊開基以鼓樂彩幣匾之曰端莊正一

穴 孟 梁 之 耦 於 恨 牛 人 幸 地 亦 幸

旌 鐘 邦 之 門 者 司 馬 婦 榮 夫 自 榮



追薦

諸姊妹為父母延僧念佛

亦知佛氏虛無不足重也

因念女兒愚孝姑且從之

代張汝演追薦先人

奉母命也

愧不能顯祖揚親難瞑先人之目  
而今僅延僧念佛聯安母氏之心

○

欲報祖父深恩何取誦經禮懺  
然在子孫痴悲還期化紙成錢

五、雜

神明

佛 祖

是心即是佛

有誠便有神

佛祖 · 聖母

涓島陀山古今双勝

天妃大士前後一人

觀音 · 福德

觀乃曰音眼空色相

福由於德面滿春風

大士降生聖母

夙世觀音佛

後身岳鄂王



天上聖母

夏后得功臣中流有柱

宋朝生聖母大海不波

○

金水相生殖貨財於淡港

源泉有本溯俎豆乎湄洲

關帝·聖母

涉波濤如平地

懸日月於中天

夫子·聖母

合德陰陽故能爭光日月

瀛洲仙棹何若湄島慈航





關聖帝君

立功不朽誅曹於魏伐孫於吳扶劉於漢  
成人可為武仲之智卞莊之勇公綽之廉

○

錦箋一道辭曹去

本傳曹操知必去加賞賜帝封所賜拜書告辭而奔先主

同榻三人為漢生

本傳先主與關張二人寢則同床恩若兄弟

○

好左氏書學而時習不亦悅

奮武王怒發皆中節謂之和

義發

義繫君臣一毫不苟

發於事業千載常新

長 發

長恨三分土宇

發明一部春秋

榮 發

榮耀千年史冊

發明一部春秋

義 和

義以為質仁者勇

和而不流君子強

義 吉

義士唯知君國

吉人不屈權奸



○  
義師討叛臣恨兔脫莫赤奸曹之頸  
吉士媚天子佐龍興仍丹忠漢之心

振合

振綱常文宣麟史

合符節武穆虎臣

源盛

源溯東山早通麟史

盛稱西蜀猶得虎臣

盛德

盛功儕武穆

德行配文宣





豐 益

豐功偉業昭青史

益國匡君表赤心

益 順

益地收全蜀

順天輔聖朝

悅 來

悅服宗洙泗

來威伏魏吳

泰 來

泰運喜觀今一統

來威共震舊三分



勝利

勝仗由來超蜀將  
利刀恨不斬曹奸

聯興

聯君臣而為一體  
興師旅以討群奸

茶岩

茶槍迥似龍刀挺  
岩電驚看鳳眼開

○

茶煙浮鼎三分足  
岩石擎天一寸心



孫真人

壺春

壺貯冰心辭豸繡

春回妙手得龍方

元和

元氣轉旋憑鵲術

和風淡蕩入龍宮

保和

保萬民之命

和二氣之精

和濟

和五藥千金秘術

濟萬民卅首禁方





趙大天君

趙日夏冬恩威並大  
天工寅亮德位稱君

大魁星君

大樹風聲胸羅廿八  
魁梧雲宇指點萬千

○

魁斗七星衡偏名玉  
戴匡六宿氣似聯珠

文昌帝君

將宿相星聯珠天啓文昌府  
古風今雨功玉人成武庫才



德行文章專主宰

衣冠俎豆肅威儀

○

在天衡士品

為國毓人材

郁々社祭文昌帝君誕生

傲庚子日之儀竹几陳經而拜手

續癸丑春之會蘭亭酌酒以談心

○

念先農先穡教穡教農彼耕夫尙猶俎豆

使後覺後知能知能覺我士子敢不馨香

社附神農廟  
之西偏故云



居 家

居 家

龍塘水滿潛頭角

鳳閣天高振羽毛  
本宅門

○

帝天禍福報不在境之窮通美名為福惡名為禍  
仕宦榮辱關非論官之大小溺職則辱稱職則榮

○

不讀詩書古事今事莫怪如聾如啞  
所居廉讓在山出山總要激濁揚清

○

衣食勿奢原父訓  
山林無事亦君恩



○

地高如登百尺樓上

人俗合置萬竿竹中

○

筆簪鳳閣恩承北

門揖龜山道仰南

○

睡覺日烏初上

吟酣霞鷺齊飛

東窓

○

仙源鷄犬

道境鳶魚



因樹爲屋

開門見山堂後門

子弟姪皆毋溺愛

君親師何以酬報報一作恩

慎勿貽羞於父祖父祖一作祖父

要留好樣與兒孫

男子亂倫天雷擊碎

女人失節地獄凌遲



○

數十年克儉克勤祖宗創業  
第一等不仁不義兄弟爭田

○

子宜孝弟宜恭要於讀書時理會  
布可溫粟可飽須知從儉處得來

○

雍穆家風父慈子孝  
昇平事業機響書聲

○

堂懸徐孺榻  
架貯太邱書





○

雷自磨礮起

風從鼓扇來問礮

自成

自天祐之福祿來降

成己仁也壽考維祺

永陞

永譽飛離鷺

陞遷出谷鶯

三陽堂代曹友

三峽詞源千軍筆陣

陽春煙景大地文章



貽穀堂 維楨 姪囑

貽厥子孫有典有則

穀我士女如茨如梁

上黨

上天下地人生其中總要五倫克盡

黨里鄉閭我居乎內惟宜六行兼修 連友茂才其父兄皆業農

○


上古中天民安耕鑿

黨庠術序化叶絃歌

萬成商店

萬紫千紅春迎青帝

成家到富人慕朱公



義 吉

義然後取往有功也

吉無不利信以誠之

和 利

和親康樂書三善

利用厚生叙九功

敏 記

敏事慎言居忘安而食忘飽

記功錄過黑漸少則白漸多

○

敏則有功敏行敏事

記之於史記動記言





敏於行兼敏於事  
記其動又記其言

○

敏行持身重  
記言防口輕

霞林廳堂

作事勿貽子孫累  
臨財須懷鬼神知

學 堂

自題閩縣學署

一命間曹桃李笑  
十閩首邑藻芹香



○ 受孔子戒

近聖人居

○ 鄭虔乘一馬

○ 伯起集三鱣

○ 藉廣文之冷署

○ 陪庠士以溫經

○ 心曾盟白水

○ 志不墜青雲



勞形無案牘

供職有詩書

門下多栽桃李

途中勿種荆榛

家

國恩科自選

家寶案頭書

國恩光黼黻

家訓寶詩書

道光乙巳年春初余參權司教篆勉期稱職恐負庭訓謹題楹帖以自警願後之秉鐸者匡余所不逮焉

塾





治家通國政

養子識親恩

堂有高人榻

門多長者車

置身百尺樓上

放眼萬卷書中

夫婦中庸道

舅姑內則篇



字亭

芝蘭聖字亭

篆隸直行太乙吹藜千古蹟  
衣冠鐘鼓上丁釋菜一般儀

○

人萃芝蘭室

天開鄒魯風

山房

仰龜山

房龜山當戶因念宋楊龜山先生為吾閩道學  
祖也高山仰止仰之彌高吾以名吾山房

高臥羲皇以上

寄懷夷惠之間



○

要求入聖賢門內

先打開義利關頭

○

但欲量寬似海

何嫌屋小於舟

○

相爾室

愛吾廬

○

入則和羹

出則借筯又題門上





槐市明經

○

蘭廳主講自題楹帖

○

榕城司教

薇閣侍書自題楹帖

西野巢山房

桃源小口初猶狹

蔗境倒頭入漸佳第一重門

○

到戶任題鳳字

閉門且讀牛經門旁即牛柵



爲秋黃姪題洗心山房

時授徒西  
雲岩佛寺

洗垢直如僧受戒

心齋合與佛同龕

○

洗耳無一塵非隱似隱

心頭有萬卷可行則行

可竹居書舍

庭前四五千竿竹

架上二三萬卷書

○

用細工夫三更五漏

壞大事業一曝十寒

最清幽書聲穿竹

真爽快花片題詩

題茂才林子穎姊丈醉荷草堂

茂才林子穎姊丈醉荷草堂構於  
陂心傍山環水前荷後竹得所也

最大文章山水

得少佳趣竹蓮

會心不遠

容膝易安

蘇東坡赤壁

孔北海青樽





書

齋

眼前且領鳶魚趣  
心上勿生鴻鵠形

別墅

自題別墅

萬卷書半壺酒一局碁得許多受用  
風前竹雨後花煙中草是何等文章

○

賞音琴外關塞心茅  
雨景畫中安容膝屋

嘯園別業

嘯傲乾坤不今不古  
園林風月或酒或詩

○  
看劍氣寒書案月  
停琴韻濕墨池煙

閑

居

德風下偃小人草  
智水中培君子花

花園

養淨根圃

基於先焉為邱姓人去功存還邱隅邱陵邱阜邱園邱林邱壑邱樊之號可也  
宅乎後者以迂名地偏事少與迂遠迂濶迂疎迂緩迂鈍迂拘迂拙之性宜哉

○

尙有群芳譜所無者  
敢與獨樂園相比乎

○  
窺園羞董子  
爲圃學樊遲

自題養蘭棚

不廠不亨通身是竹  
宜風宜月滿目皆花

○

逢客皆青眼  
憐君有素心

店 舖

藥 店

和 濟

和陰調陽君臣合配  
濟人活國醫相同功





育 和

育物為懷草嘗岐伯

和風入抱杏種董仙

○

育萬物之功權爭良相

和四時之氣職掌疾醫

藥

天竹凌霄使君子

海松生地威靈仙

⊖

圓嶠方壺歲月

參朮芝桂人材



囊 春

囊橐推來蒼耳子

春秋試問白頭翁

○

子囊露傳方赤松童

春風布暖紅杏仙人

壺 春

壺嶠蓬瀛丹砂不老

春秋冬夏草木皆靈

銀 鋪

渡頭水載買賣人至

金面山送寶貝氣來

舖在內湖渡  
頭金面山麓



油舖·礮戶

焚膏迴日月

碾穀震雷霆

源

盛

源泉有本人應取

盛世無苛利不征

義

發

義為利則財恒足

發其祥維德之基

○

義然後取人不厭

發皆中節謂之和





醬園

芳美

芳名不讓梅羹和  
美味初成芥醬香

醬園

醬物供王醯醢百甕  
園蔬餉客芹茆七渣

茶

茶裏尋詩句皆李白  
園中掃葉人亦樵青

○

茶煮桐江水

園傍顧渚山



○

茶灶初分新火活  
園丁忽報故人來

倒 舖 間

美 記

美輪美奐潤屋耳敢云富  
記言記動告天時細問心

○

美哉累世貽謀遠  
記否當年創業難

寬 記

寬其量不較三加橫逆  
記於心勿萌半點驕奢



雜

鄭詒菴大封入祀鄉賢

適令器社亭南宮加授員外郎舉詒菴公崇祀鄉賢皆牧侯李慎齊公祖力也

康成慎修以名賢獨表鄉中通德早題縣令

宣公敏識由進士而遷員外累官直至尙書

賀鄭社亭姻翁大人以副郎歸養

太君適主器升爲貢士兼之令寵誕厥馨兒

郎官職重而思歸祇效安仁奉母

公子才優方入貢更誇燕姑徵兒

贈杜秀才

必簡衙官少陵詩史

牧之才調如晦功名

題王猷琛廳事

綠槐堂先人是種

烏衣巷子弟皆佳



○

福莫如公八旬六子

功半由母一樹三珠

獻琛屬撰椿萱二像尊公配林繼  
吳各生三子獻琛行五吳所出

伯夷叔齊聯對

兄讓弟弟讓兄父命天倫千古重

聖稱賢賢稱聖頑廉懦立百世師

題內人機上柱

勞以績乃不生淫敬姜訓子

斷斯機何殊廢學樂婦規夫

○

逸恐生淫敬姜訓子

斷如廢學樂婦規夫



○

家門好聲調

女子大經綸

擬頌史郡所尊匾式

海東砥柱

一郡二天

擬頌蘇簡齋都督匾傘

士民鳧藻

細柳甘棠

擬頌朱丹園太尊

兩任廳尊兩任府尊新赤子仍舊赤子

一治北海一治東海後朱公繼前朱公

補遺

西雲岩

寺坐觀音也佛也山宛似金身兩現  
洲名和尚是僧是地定成勝蹟千秋

先陳維英  
生太古集聯集終





附錄

保安宮

張子訓

公實生於宋代其活民比富范之仁救主等岳韓之義宜與宋代諸賢並垂不朽  
神固籍乎同安然俎豆遍十閩之地聲靈周四海之天自非同安一邑所得而私

福神·佛祖

是老也天下大老  
彼人兮西方美人

菜園關帝廟

菜園全村  
皆張姓

桃園結義三兄弟

菜圃奉誠二伯公

倒鋪間

鴉片友方堪同榻

虎鬚班不許入群

縛索官

聯縛索當時名妓女名

縛浪蕩心三廻九轉

索風流債一笑千金

連春官門

聯連春官當時名妓也家設賭博場

連三坎便是好手

春二枝只等貼頭

廳

勿視聽言動非禮

求子臣弟友未能

○

知音已杳琴生蠹

熱血全消劍化龍



索對

逢君三十三也應三祝  
與我一粒一定博一餐

○

風吹鵲巢二三子連枝及地  
雨打猿洞衆諸侯向面朝天

保安宮

能胥匡以生用康保民如保赤  
措之廟曰帝與道大適受大名

恭賀戴叔攀泮捷

大蘇學問難爲弟叔攀從學於蘇子褒之弟  
子泉故以大小蘇比之妙  
小戴功名不讓兄叔輝泮捷第七名叔攀泮捷  
第五名乃云功名不讓兄

鳳阿伯

謝鵬搏



乾隆帝五十聖壽

紀曉嵐

四萬里皇圖伊古以來從無一朝一統四萬里  
五十年聖壽自茲而往尙有九千九百五十年

乾隆七旬聖壽

自撰

七旬天子古六帝  
五代孫曾予一人

題迂谷別墅

陳竹坡孝廉

有是哉如子之迂不擇食不擇衣不擇寢處  
胡爲乎在彼空谷因嫌陋因嫌湫因嫌囂塵

輓陳迂谷師

兵備道兼提督學政黎兆棠

徒頑服教弟傲克諧具先正典型淡水有聲山斗仰  
我甫宦來君何仙去痛老成彫謝瀛壖無色海雲低

中華民國陸拾叁年拾壹月拾陸日

敬啟

昭和十二年十月廿七日印刷

昭和十二年十月三十日發行

定價 六拾錢

(送料在內)

(現住址：南投縣草屯鎮紫雲山路276巷138號)

臺北市千歲町二ノ七

編輯者

田

大

熊

臺北市日新町一ノ二三七八

編輯者

陳

鐵

厚

臺北市大龍峒町二〇〇

發行者

何

茂

松

臺北市太平町二ノ二四

印刷者

青

木

一

良

臺北市太平町二ノ二四

印刷所

三

和

印

刷

所

版權  
所有

國家圖書館



000429772

